

هنعيشها صح " بين قارون و قومه " | #محاضرة | د. حازم

شومان

حازم شومان

السلام عليكم ورحمة الله وبركاته السلام عليكم. متغديين سمك النهاردة ولا ايه؟ الحمد لله وكفى وصلاة وسلاما على عباده الذين اصطفى. اللهم لا لك الحمد كله ولك الملك كله وبيدك الخير كله واليك يرجع الامر كله. اللهم صل على عبدك ونبيك محمد صلى الله عليه وسلم - 00:00:00

عدد خلقك ورضا نفسك وزنة عرشك ومداد كلماتك. اللهم صل عليه في الاولين والآخرين والملا الأعلى الى يوم الدين. اما بعد اخواني واحبابي في لو واحد من الشباب داخل سينما يتفرج على فيلم يقينا اول ما العرض هيبداً النور هيطفى والكل هيسكت وممنوع الكلام وممنوع اي حد يهمل - 00:00:24

او اي حد يتكلم عايزين يا اخواني اللي قاعد قدام ماتش الكورة على كافييه او اللي قاعد قدام فيلم في سينما ما يبقاش اشد خشوع منا واحنا بنسمع الله والدار الاخرة. يا اخواني في الله لو انت داخل محل جزارة ولقيت واحد لابس ابيض هتقول مين؟ طبعاً ربنا يوعدنا يعني محل جزارة مليون لحمه يعني - 00:00:44

هتقول ايه؟ هتقول جزار واقف. طب لو دخلت المستشفى ولقيت حد لابس ابيض؟ هتقول طبيب واقف. يبقى القضية يا اخواننا مش قضية الزاهر. القضية قضية اللي جواك قضية ان انت كل واحد فيكم الوقتي قلبه تحت نظر الله سبحانه وتعالى. انا عايز واحنا بنتكلم عن ربنا الليلة يا اخواني في الله. دور على الكلمة - 00:01:04

اللي ممكن توصلك لربنا. الله اعلم الكلمة اللي انت هتدخل بسببها الجنة انت سمعتها ولا لسة؟ الله اعلم العمل اللي انت هتدخل بسببه الجنة. انت عملت ولا لسه عايزين نركز بقلوبنا يا اخواني. عايزين نركز بقلوبنا مع كل كلمة من كتاب ربنا. ومع كل كلمة عن ربنا ومع كل كلمة عن الطريق - 00:01:24

ربنا سبحانه وتعالى في البداية يعني سبحانه الله العظيم كلمات بنسمعها يا شباب كلمات بتسمعها يعني كل اخت منا وكل بنت وكل شاب وكل فتاة وكل واحد في المجتمع اه يا جامد! روش طحن جامد يا ناس! جامد طحن اخر حاجة! هي دي الناس - 00:01:44
اللي عائشة اه يا نجم اه يا معدي. هي يا ريتنا نبقى مكانك. يا بخته. الكلام ده يا جماعة. الكلام ده كلنا بلا استثناء سمعناه ولا لأ كلنا سمعناه عن ايه؟ سمعناه عن الولد اللي ماشي في الجامعة مع اجمل بنت في الجامعة. ومكسر الدنيا والشباب كلهم بيبيصوا له. يا ريتنا كنا مكانك. سمعته - 00:02:04

عن البنت اللي مركبة عدسات ملونة على لون الطرحة اللي لابساها. على لون البليرينة اللي لابساها على لون. هي ديت اللي بالنسبة للبنات والشباب كله يتمنى انه يمشي معها هي دي اللي جامدة طحن اخر حاجة. هي دي اللي مكسرة الدنيا. الكلام ده سليم يا اخواننا. البنت اللي ماشية متبرجة في الجامعة او في النادي او في اي مكان. هي ديت - 00:02:24

جنب طحن ولا البنت اللي في وسط الكاسيات العاريات رايحة عشان تلبس لبسوهات المؤمنين هي دي اللي روشة طحن اخر حاجة. الشاب الشاب اللي عبد لسيجارة واللي عبد لنوع من المخدرات واللي عبد لبنت على على الفيسبوك او على السكاي دي. هو ده اللي جامد جدا - 00:02:44

وهو ده اللي الشاب يتمنى يبقى مكانه ولا الشاب اللي في وسط ما الشباب في الجامعة واقفين عينيهم هيئة ارصاد بيغض بصره

وقلبه مراقب ربنا وقلبه مع الله وسط الفتن اللي عاملة زي الحريقة حواليه. مين يا جماعة جاب الطحن اخر حاجة؟ مين يا اخواننا ده؟ والواحد قاعد الاسبوع اللي فات مهموم - [00:03:04](#)

يا جماعة نعمل للشباب ايه! الشباب يا جماعة مش عايز يتوب. البنات يا جماعة مش عايزة تلتزم. الشاب ببص لك. ممكن يسمع منك درس ممكن يطلع معك معسكر؟ ممكن يطلع معك رحلة في النيل ممكن. ولكن في النهاية اول مكالمه بتجي له. اول فتنة بتعرض له. [00:03:24](#) اول فتنة -

ناديها ما بتلاقيهاوش جنبك. الواحد كان قاعد هيتجنن. يا ترى الحل ايه؟ يا ترى اللي وصلنا للدرجة دي ايه؟ يا ترى الشباب مش عايز ليه؟ والواحد قاعد الحالة اللي ربنا يعلم ما فيه من الغم وبتدبر في قصة قارون في سورة القصص في القرآن الكريم. لقيت كلمة قلت هي دي واقع - [00:03:44](#)

بالزبط هي دي السبب. هي دي السبب في اللي الشباب فيه. لقيت كلمة فخرج على قومه في متخيل معي مشهد موكب قارون اجمل بنات في الدنيا. جايهم ممشيهم حواليه. اقوى شباب وجنود في الدنيا جايهم ممشيهم حواليه - [00:04:04](#)

صور ماكينات لفل وشاليهات. معلق قدام الناس صور الاملاك بتاعته. الذهب والمجوهرات والجمال والدنيا. وهو ماشي كل شاب شاف المنزر ده اه يا جامد! كل بنت شافت المنزر ده هي دي الناس اللي عايشة. كل واحد شاف المنزر ده! اه يا نجم! يا اخوانا الواحد ساعتها فهم يا جماعة - [00:04:24](#)

ام فرعون لما فرعون علق السحرة وقطع جسمهم وقتلهم قدام الناس. الناس دخلت في الدين. لما فرعون قال على موسى اقتلوا ابناء الذين امنوا معه. الناس دخلت في الدين. لما فرعون جاب سبعين الف ساحر. سحروا اعين الناس واسترابوهم. الناس دخلت في الدين. ولكن - [00:04:44](#)

لما قارون خرج على قومه في زينته. ما عادش حد عايز يدخل في الدين. ما عادش حد عايز يلتزم. كتير من المنقبات بقوا بيرادوا يخلعوا النقاب ولا لا؟ كتير من الشباب بقى بيفكر يجيب موس ويجيب دقنه زيرو. كتير من الشباب مش كتير من الشباب ما عدش حد عايز يتكلم في الدين. الدين فجأة بقى - [00:05:04](#)

خناقة. الدين فجأة بقى صعب. الدين فجأة بقى الكلمة اللي على لسان كل شاب اول ما تقول له التزم ما اقدرش. الدين فجأة بقى الكلمة اللي بتربع كل شاب لما تيجي - [00:05:24](#)

منه اوعى تقول لي سيب. اوعى تقول لي تب. اوعى تقول لي سيب اللي انت فيه. قارون فهمها يا جماعة. زي ما اهل الباطل فهموها دلوقتي. لما الناس قالوا له اذ قال له - [00:05:34](#)

او قومه لا تفرح قال لهم لا تفرح. هو انتم مش فاهمين الدنيا ماشية ازاي؟ انا مش هارد عليكم. انا مش هاتكلم معكم. انا هانزل في الزينة بالخزائن اللي مفاتها تنوء بالعصبة وللقة. لما قارون خرج على مش خرج الى قومه. على شايقين النجم اللي بينزل -

[00:05:44](#)

في الحفلة كأنه جاي من فوق والكل ببص له اه يا نجم. اه يا ستار يا كبير. نبقى سوپر ستارز زيك ازاي؟ شايقين المنزر وهو ببهر الدنيا بالزينة اللي عنده اول ما خرج على قومه في زينته. قال الذين يريدون الحياة الدنيا يا ليت لنا مثل ما اوتي قارون - [00:06:04](#)

هي دي الكلمة اللي الشباب بيقولها دلوقتي. هي دي الكلمة اللي البنات بتقولها دلوقتي. يا ليت لنا مثل ما اوتي دودي. لما كان ماشي مع ديانة. ولما ماتوا هم الاثنين اصبح - [00:06:24](#)

الذين تمنوا مكانه بالامس يقولون ويك ان الله. ايه ده! ايه اللي حصل ده! الناس بتفوق امتي يا جماعة؟ يا اخواني اهل الباطل فهموها اتفرجوا الشباب في رحلات طلابية برة. افتحوا لهم سياحة عالمية. افتحوهم على الفيسبوك وعلى اليوتيوب. وروهم الدنيا. وروهم كل حاجة. عشان لما ينزل واحد يكلم شاب - [00:06:34](#)

في الشارع الشاب اول ما بيجي له بيقول له اوعى تقول لي سب اسيب ايه! هي بنت! هو انت بتكلمني عن بنت! ده اوبن بوفيه بنات على الفيسبوك وعلى اليوتيوب. هو انت بتكلمني عن واحدة! ده ماسورة طافحة من النساء في كل مكان. كلمني عن مين؟ اسيب مين

اسيب مؤلف مؤلفة من الصور اللي محطوطة على الفيسبوك للبنات ولا صور نجمات هوليود بعد ما شفتهم ولا صور البنات بتاعة الكليات وبتاعة المغنيات الممثلات ولا البنات اللي شفتهم في الجامعات والنوادي والشوارع هي بنت! هو انت بتكلمني عن اغنية! اسيب الهيب هوب ولا السوفت ميوزيك ولا الراب والميتال والجاز - 00:07:13

ولا اوكا واورتيجا ولا اغاني الحب العاطفية ولا الاغاني الاجنبية ولا الكليات انت بتكلمني عن ايه هو انت فاكنا زي زمان هو نوع مخدرات بيعمل دماغ اسيب الجوكر ولا اسيب كريستال ولا اسيب الكيميا ولا اسيب البودرة ولا اسيب التمويل والترامادول انت بتكلمني عن ايه؟ الدنيا ما عادتش زي امبارح هي - 00:07:33

التصريح لشعر واحدة الشاب اللي عامل بانك بهارد جيل وخايف يصلي احسن السجود يبوظ له البنك بتاعه. الشاب اللي عامل سبايكي وبينقط بالقطارة على راسه ساعة الوضوء. احسن الجل بتاعه يبوظ بالوضوء. الشاب اللي بيكوي شعره كل شهر. وخايف انه يتوضا احسن شعره يتحرق بالميه. ومش راضيين يصلوا - 00:07:53

عشان شعرهم انت مش عارف الدنيا بقت مفتوحة قد ايه. انا نفسي انا نفسي ابقى مغني زي تامر. او ابقى لعيب زي ميدو. او ابقى مقدم برامج كبير زي باسم - 00:08:13

يوسف انا نفسي اعيش حياتي. انا نفسي ابقى صاحب برج من الابراج دي. انا نفسي ببقى عندي عربية فور باي فور. انا نفسي ببقى معي زبالة الكلية. كلية الجراحين الملكية - 00:08:23

انت بتكلمنا في ايه؟ انا الدين هيبقى قيد في حياتي. انا عايز اعيش الدنيا. ايماست ليه في ماي لايف يا ليت لنا مثل ما اوتيت البنت اللي ماشية مكسرة - 00:08:33

الدنيا والشباب ببص لها. يا ليت لنا مثل ما اوتي الشاب اللي ماشي بالعربية بتاعته. والبنات كلها بتبص عليه. يا ليت لنا مثل اللي اوتيه اصحاب الابراج واصحاب الشاليهات واصحاب العمارات. يا ليت لنا الدنيا الشاب ببقى واقف خارج من الجامع في اول التزامه ويلقي عربي معدية وشاب مشغل - 00:08:43

طقم صوت والاغاني مالية الدنيا. استغفر الله العظيم. استغفر الله العظيم. واول ما الشاب يعدي اه يا جامد! اه يا جامد! البنت تبقى خارجة في اول التزامها وعايزة تلبس لبس امهات المؤمنين. تشوف البنات اللي ماشية تحس انها محرومة. محرومة انها تحط مكياج زي ما هي عايزة. محرومة انها تحط برفانات - 00:09:03

وتلبس موديلات وتبقى استايل وتبقى مودرن وتبقى زي ما هي عايزة حرة في كل حاجة بتعملها. الشاب عايز يلتزم. بس الصور اللي طلعت له على الفيسبوك امبارح واتفرج عليها ووقع في معصية الله مع الزبائ اسيب كل ده ازاي؟ بقى الشاب دلوقتي تدخل على الشلة في الشارع تكلمهم عن - 00:09:23

عايزين يدحكو ويسمعوا ولو فتحوا لك قلبهم يقولوا لك بص يا عم الشيخ احنا كنا متفقين مع بعض ان اي حد يدخل يكلمنا في الدين نسكت احسن يوجع لنا دماغنا. احسن يخنقنا. اصلها مش ناقصة خناقة. هو انتم اتفقتوا على كده؟ انتم اتفقتوا ان انتم ما تجادلوش مع حد بيكلمكم في الدين. عشان نخلص - 00:09:43

ونريح دماغنا داخل اكلم شباب في كلية طب هو كل واحد منهم دماغه اسيب البلد دي ازاي؟ اطلع اهاجر برة ازاي؟ اخذ لي بورد امريكي ولا زمالة بريطانية اطلع بقى على وش الدنيا. الناس يا جماعة بقت بعد ما خرج على قومه في زينته. بقى بتبص للدين بصة تانية خالص - 00:10:03

بتبص للدين انه حاجة ممكن يقيدني. الشاب اللي كان متزوج عرفي واتعرض عليه. عمل حريقة في البيت عشان السي دي اترمي برة البيت. انا مش ناقص تيجي تكلم شاب مخدر يقول لك يا عم الشيخ انا اللي افوق. يا عم الشيخ انتم اللي فوقوا. يا عم الشيخ الشعب كله تحت التأسير - 00:10:23

من الصغير للكبير وما فيش امل في التغيير. السلطان هو المصير. روح الصيدلية هتبقى مية مية. تيجي كلم الشاب الشاب ببص لك.

يا ترى انا اللي عايز افوق ولا انت اللي عايز تفوق؟ يا ترى انا اللي عايز اتغير ولا انت اللي عايز تتغير؟ فخرج على قومه في زينته -

[00:10:43](#)

هو ده السبب يا جماعة. حسيت ان انا بابص للكلمة ديت وانا حاسس الشباب وصل للي هو فيه ازاي؟ شاب عايز يقول لك وانت بتكلمه في الدين انتم ما بتدخلوش على الفيسبوك. ما بتدخلوش على اليوتيوب. ما بتفتحوش قنوات. ما انتوش شايفين الدنيا بقى شكلها ايه. هو ده اللي قارون عمله عشان يضيع الناس. هو - [00:11:03](#)

هو ده اللي اهل الباطل الوقتي عملوه عشان يضيعوا الشباب. عشان يضيعوا دين الشباب. الوقتي تقف مع الشابة هتتجنن. هو الدين بقى صعب للدرجة دي! هو طريق بقى مشكلة للدرجة دي. احد الشيوخ بيكلم شاب من الشباب. بيكلم واحد من الناس عشان يدخل معه الجامع. فخاف او انكسف - [00:11:23](#)

او عمل اي حاجة بقى جواه دخل معها اول ما الشيخ قال الله اكبر وده وراه اول ما لقي الشيخ انشغل في الصلاة قام طالع يجري برة الجامع. هربان بيجري برة الجامع عربية قامت جاية شيطان. سبحان الله العظيم! يعني هو مستعد ان هو بيجري بلا وعي! بيجري بلا تفكير! كأنهم حمر - [00:11:43](#)

مستنفرة فرط من كسورة كأن اسد هيهجم عليه. مش كأن اله رحيم بيناديه. مش كأن ربنا ودود بيناديه. مش كأن اله كريم بيقول له تعال وانا اديك. تعال وانا ارفعك. تعال ونكرمك. فخرج على قومه في زينته. قال الذين يريدون الحياة الدنيا - [00:12:03](#) يا ليت لنا مثل ما اوتي قارون. يا ريتني مكان البنت دي. يا ريتني مكان الشاب ده. يا ريتني. يا جماعة كان زمان فيه قارون واحد. الوقتي في الف قارون على الفيسبوك. الف قارون في الجامعة. الف شاب مكسر الدنيا في كل نادي وفي كل مكان. الف قارون على اليوتيوب والشباب ما يقبلهوش - [00:12:23](#)

مهوش عارف يمشي ورا مين ويبقى زي مين سبحان الله الصرخة اللي الناس الفايقه صرختها في الشباب دول هي الصرخة اللي كانت في قلب واحد الواحد بيقرا الايات حاسس انها بتحككي اللي في قلبه. مش حاسس انها ايات ببشوفها لأول مرة. حاسس ان القرآن نازل يقول لك اللي في قلبك - [00:12:43](#)

لما تنزل تتحرك بالدين في الواقع. وقال الذين اتوا العلم وبلادكم ثواب الله خير اللي الواحد حاسس بها وعايز يقولها لكل شاب ولكل بنت. وبلادكم ثواب الله خير. انتم حسبتوها ازاي - [00:13:03](#)

لكم شاب بيقول لك وي لكم؟ انت بتقول لي انا وبلادكم؟ انت بتقول على اللي ماشيين بيعصوا ربنا دول وبلادكم فين الولدة؟ فين الولدة يا عم الشيخ؟ احنا مش شايفين غير شباب سعيد - [00:13:23](#)

مش شايفين غير شباب بيضحك. مش شايفين غير شباب منطلق في حياته. فين الويل اللي انتم قلتم عليه في طريق المعصية؟ فين الويل اللي انا مش شايف غير شباب عامل دماغ؟ وشباب - [00:13:33](#)

ماشي مبسوط وبنات ماشية بتعمل اللي هي عايزاه. وشباب ماشي ستايل وبنات ماشية. انتم فين الويل اللي انتم بتتكلموا عنه؟ فين وبلادكم دي؟ حبيب قلبي فكر حبيب قلبي بص واحسبها صح. بص على المنزر اللي برة ده. بص على الحفلات. بص على شباب الجامعة. بص على كل بنت بتعصي ربنا بعد - [00:13:43](#)

عشرين سنة يا ترى يا جماعة يا ترى نهاية طريق المعصية وهم لسه في الدنيا ايه؟ يا ترى نهاية طريق المخدرات ايه؟ يا سجن يا هتلاقيه بعد عشرين سنة في السجن - [00:14:03](#)

ينتحر يا مات في اوفردوز يا اتجنن واصيب بلوسة في عقله نتيجة المخدرات. يا اما يا ترى نهاية طريق الزنا ايه؟ يا اما جسمه كله اتملى انتقام من ربنا يا اما افتقر وبقي مش لاقى ياكل. يا اما اتزل وطوب الارض كرهه. يا ترى نهاية طريق الحب ايه؟ الحب الحرام - [00:14:13](#)

يا اما انتحرت او انتحر لانه ما قدرش يتجوزها. يا اما زنا بعد الجواز. لانها ما اتجوزتوش او هو ما اتجوزهاش. ويحصل زنا تجرب به من كل حسناته يوم القيامة. لما يبجي الزوج اللي خانه بعد زواجها منه ويأخذ منه كل حسناته. يا اما اضرب عن الزواج طول العمر -

يا اما تحطيم نفسي اتجوزت واحد تاني او اتجوز واحدة تانية وعاش حياته محطم. يقارن ما بين اللي اتجوزها وما بين اللي كان بيكلها في الجامعة. في كل كلمة كل موقف وفي كل يوم مقارنة زالمة محطمة له حياته. يا ترى النهاية بتاعة طريق المعصية كله ايه؟
يا ترى نهاية الطرق دي ايه؟ ده بعد عشرين سنة - 00:14:53

بعد خمسين سنة بص على كل الشباب والبنات اللي واقفين في الحفلات. بص على كل الشباب اللي في النوادي. بص على كل الشباب اللي في الجامعة. بص على كل الشباب. اللي - 00:15:13

مواقع الإباحية بص على كل البنات المتبرجات. بص على كل نجومات هوليوود. بص على كل الستايلست بتوع الكليبات والأغاني الافلام بص على كل دول بعد خمسين سنة. دود في دود. دود في دود. الجسم بقى دود. الرموش بقت دود. الحواجب بقت دود - 00:15:23
الدود اللسان بقى دود. الصدر والجسد وكل حتة بقى الدود في دود بعد خمسين سنة. بص عليهم بعد الف سنة طاب في تراب ولا عاد لهم ذكر ولا عاد لهم بص عليهم لحزة البعس. الشاب اللي ما كانش بيقدّر يغير يغض بصره. وهو شايف مليارات من النساء -

كاسيات مليارات من النساء كما ولدتهم امهاتهم. ما بيبصش بصة ليه؟ مش ده اللي كان بينظر للنساء؟ خلاص الامر بقى اخطر من كده بص لي كان هيموت على الفلوس والليبراج والعقارات. شايف ملوك الارض طالعين من تحت التراب. ما بيبصلهمش ليه؟ خلاص الدنيا ما عدش لها قيمة - 00:16:03

بص لي كان مبهور بالمراكز والكراسي والاعتبارات والالواضع. الامراء واولاد الامراء طالعين من تحت التراب. وكل المديرين جمهوريات ما حدش بيبص لهم ليه؟ الدنيا خلصت يا جماعة. بص لهم ساعة الحشر. النبي عليه الصلاة والسلام بيقول في الحديث اللي يقطع القلب ما - 00:16:23

من ساعة تمر بابن ادم لا يذكر الله تعالى فيها الا حسر عليها يوم القيامة. قلت سبحان الله. اللي ضيع ساعة من عمره بيندم يوم القيامة. امال اللي ضيع عمره هيندم قد ايه؟ امال اللي ضيع عمر كامل كان ممكن يوصل به لربنا؟ هيندم قد ايه - 00:16:43
ما تتخدعوش يا جماعة. ما تتخدعوش في منزل لما الشاب يقول لك فين ويلكم ده؟ فين العزاب اللي في المعصية دي؟ انا مش شايف شباب بيتعزب ما تتخدعش في منزل بنت ماشية فاتنة الشارع كله. بص لها يوم القيامة. وهي داخلة على النبي عليه الصلاة والسلام على الحوض. بتقول له اغثنني يا رسول الله. يقول لها - 00:17:03

سحقا سحقا لمن بدل بعدي. ما تتخدعش بشاب عاش حياته بالطول والعرض. وانت قاعد دلوقتي في بيت ربنا وانت قاعدة بتسمعه عن ربنا وهو قاعد دلوقتي بيعمل اللي نفسه فيه. بصوا له يوم القيامة. وهو بيقول ادركني يا رسول الله. والنبي عليه الصلاة والسلام بيقول له لا املك لك من الله شيئا - 00:17:23

قد بلغت ما تتخدعوش يا اخواننا. بص لهم ساعة الموت والدنيا فجأة اسودت. ايه ده! النور اتقطع. البصر اتعمق ملايكة سود الوجوه بعد كده يبجي ملك الموت اللي منظر وجهه لوحده رعب. اللي منظر وجهه لوحده اشد من الموت. بصوا لهم وهم في القبور ما بين ضمة قبر - 00:17:43

ما بين سؤال ملكين ما بين عزاب على معاصي عملوها. ما بين ما بين ما بين. ما تبصلهمش واليكم. انتم بتقولوا لنا احنا ويلكم ثواب الله طيب. طب فين ثواب الله اللي خير؟ فين؟ احنا شايفين الملتزمين تعبانين. شايفين الملتزمات بيجاهدوا أنفسهم؟ شايفين اهل الدين انتم بتقولوا ثواب الله خير - 00:18:03

بتقولوا ان الدين اجمل من الدنيا. بتقولوا ان الدين فيه متع اكثر من اللي في خزائن قارون وكنوز قارون. بتقول ان الدنيا فيها ان الدين فيه ملزات اعظم من الملزات اللي احنا بنلاقها في المعاصي. فين سواب الله خير؟ فين ثواب الله اللي خير من الدنيا ومن شهواتها؟ ما احنا برضو ما تتخدعش يا جماعة - 00:18:23

ما تتخدعش لما نشوف ملتزمة بتتعثّر في الادناء بتاعها. او الملحفة بتاعتها بص لها يوم القيامة. وهي ماسكة في ايد عائشة وفاطمة

وداخله من الفردوس الاعلى ما تبصيش للبنت اللي تعبانة في الدنيا بسبب ان هي تركت شهوات الدنيا عشان ربنا بص لها وهي ملكة.
بص لها والنبي بيسقيها من ايديه على - [00:18:43](#)

الحوض عليه الصلاة والسلام. ما تبصش للشباب اللي كان بيصارع نفسه وقاعد في الاوضة مش عارف يعمل ايه. يسمع شريط اغاني
وبعد كده يقول لأ انا مش عايز اعيش كده. بعد كده يمسك المصحف يقرأ قرآن وبعد كده لأ. انا مش هاقدر ابعد عن شهوات الدنيا.
يقوم مولع سيجارة. السجائر حرام وهو عايش في - [00:19:03](#)

وفي النهاية فصل لطريق الدين. ما تبصلوش وهو بيصارع نفسه عشان يوصل لربنا بص له يوم القيامة. بص له والملائكة بتتنزل عليه
ساعة الموت الا تخافوا ولا تحزنوا. بص له وربنا بيقول له تمنى عبدي حتى تنقطع - [00:19:23](#)

به الاماني في الجنة وبعد كده ربنا يدي له ما لا عين رأت. ولا اذن سمعت ولا خطر على قلب بشر. بص له ساعة ما تلاقي شمس مد
البصر الاف الملائكة طلعت عليه ساعة الموت. وملائكة بتتنزل عليه تبشره بالجنة وبرضا الله وبصحبة النبي عليه الصلاة والسلام -
[00:19:40](#)

في الجنة. بصوا له في القبر مع الرفيق الصالح. بصوا له في القبر والقبر بيضموا ضمة الام الحانية اللي فرحانة منها. بصوا له في القبر
وروحوا تطلع تسبح في انهار الجنة. بصوا له في القبر وروحه معلقة في قنديل في عرش الله. بصوا له في القبر وبيلتقي بارواح
المؤمنين. ويطمئنوا على بعض - [00:20:00](#)

يصعدوا مع بعض في حياة البرزخ. ما تبصلوش الوقتي. يا اخواني ويلكم ثواب الله خير. لمن امن وعمل صالحا ولا يلقاها الا
الصابرون. هي دي القضية كلها. قضية يا جماعة ان احنا نصبر على الدنيا. ان احنا نصبر عن الدنيا. ان احنا نصبر - [00:20:20](#)

عن كل حاجة تبعدنا عن ربنا سبحانه وتعالى. ان احنا نصبر عن الشهوات الواحد طول ما هو جاي من بيت لحد المسجد قاعد يبص
احنا بنحارب ايه يا جماعة؟ احنا - [00:20:40](#)

عارف دنيا متزينة قد ايه ؟ احنا بنحارب كليبات الشاب قاعد قدامك في الدرس. واخر كليب بيتفرج عليه. لسة لسة الايكولايزر بتاعه
يخبط في ودانه ولسه المنازر اللي كانت بتتنطط بتتنطط في عينيه. وقاعد يبص لك كده يا ترى فعلا فيه ناس ممكن تسبب كل -
[00:20:50](#)

اللي انا فيه عشان تبقى حياتها مع ربنا يا ترى فعلا فيه ناس تقدر تعيش مع ربنا؟ يا ترى فعلا الشاب دلوقتي ببص لك وهو جواه
حريقة جواه حريقة. جواه كمية احلام دنيوية ساعة ما يحط راسه على المخدة. ويطلع بقى الهارد ديسك اللي اتخزن طول اليوم. ما
بين الدنيا وشهواتها - [00:21:10](#)

واسبابها ان الذين ان الذين لا يرجون لقاءنا ورضوا بالحياة الدنيا واطمأنوا بها. راضي يقول لك انا راضي. هدي بس واحدة حلوة
وهات لي شقة ملك وهاات لي عربية حلوة وانا راضي. والذين هم عن اياتنا غافلون. اولئك - [00:21:30](#)

النار. النار ليه يا رب؟ عشان حب الدنيا يا اخوانا حب الدنيا لما يبيعد عن ربنا بيبقى جريمة. سبحان الله العظيم. سبحان الله الواحد
يتخيل النبي عليه الصلاة والسلام بزل مجهود قد ايه. عشان يفهم الصحابة حقيقة الدنيا. عشان يفهموهم يعني ايه ولا يلقاها الا
الصابرون - [00:21:50](#)

ولا يلقاها الا الصابرون. اللي ما عرفش يمسك نفسه. اللي ما عرفش يحبس نفسه عن شهوات الدنيا مش داخل الجنة يا جماعة. الا بعد
بقى ما يحاسب على كل اللي هو عمله. ولا يلقاها الا الصابرون. مش هيقدر يدخل الجنة. اللي ما قدرش يصبر في الدنيا. اللي ما
قدرش يصبر - [00:22:10](#)

شهوات الدنيا والنبي عليه الصلاة والسلام نزل السوق ورجال الاعمال قاعدين يحسبوا الفلوس ويحسبوا الذهب والفضة. والنبي عليه
الصلاة والسلام يقوم لاقى خروف ميت معفن عارف يعني ايه خروف ميت معفن؟ سافرت على الطريق السريع ولقيت اي جسة كلب
ولا قطة ميتة ومعفنة شايف المنزر بيبقى بشع قد ايه - [00:22:30](#)

والريحة قالبه الدنيا قد ايه ؟ النبي عليه الصلاة والسلام يعمل حاجة تفزع قلوب الصحابة. يقوم ماسك الخروف ورافعه قدام عينيه.

والدود قدام عينيه بيجري في جسمه وريحته انا مش قادر اتخيل الصحابة قدروا يصبروا ازاى. وقدروا يستحملوا يفتحوا عينيه ازاى. لولا الادب مع رسول الله صلى الله عليه وسلم - [00:22:50](#)

النبي مسك الخروف ورفع قدام عينيه. قال لهم من يشتري هذا؟ مين يشتري دة بدرهم؟ يا رسول الله ده مين اللي يدفع في ده هي دي الدنيا اللي انتم بتدفعوا فيها عمركم. هي دي الدنيا اللي انتم بتضيعوا فيها حياتكم. هي دي الدنيا اللي انتم بتتشغلوا فيها عن ربنا. هي دي الكليات والقنوات - [00:23:09](#)

والموديلات هي دي الدنيا. الخروف الميت المعفن ده هو هي دي الدنيا. بس انتم مخدوعين بالقشرة اللي من برة. لو شفتم اللي وراء القشرة اللي مرة ولا يلقاها الا الصابرون. النبي عليه الصلاة والسلام عشان يفوق الصحابة على حقيقة الدنيا. استعمل الفاظ يا اخوانا رهيبة. يقول لهم - [00:23:29](#)

الدنيا ملعونة. يا ربي فيه واحد يمشي مع بنت نزل اية من فوق سبع سماوات ان البنت دي ملعونة. الدنيا ملعونة مين اللي يصحب الدنيا ويأمن لها بعد ما النبي عليه الصلاة والسلام؟ قال عليها ملعونة - [00:23:49](#)

النبي عليه الصلاة والسلام يدي تهديدات مرعبة. للي هيميل للدنيا. يقول لهم من كانت الدنيا همه اللي كل تفكيره اجيب الدنيا ازاى؟ واحصل الدنيا ازاى ازاى؟ جعل الله فقره بين عينيه. يا ربي! شفتم الكلمة يا جماعة! شفتم الكلمة يا شباب! شفتم يعني ايه - [00:24:05](#)

جعل الله فقره بين عينيه. يا شباب كل واحد مننا عنده نوع من انواع الفقر. بس فيه واحد الفقر بتاعه جه في الفلوس. واحد الفقر بتاعه جه في الصحة. واحد الفقر - [00:24:25](#)

بتاعه جه في الجمال والشكل. واحد الفقر بتاعه جه في المواهب. فكل واحد مننا عنده نوع فقر. النبي بيقول لك اللي هيموت على الدنيا ده نوع اللي عنده ناقص في الدنيا وموجود عند غيره يبقى بين عينيه. كانك حاطط صابعك بين عينيك فن عينيك الاتنين يتحولوا على طول - [00:24:35](#)

ما هوش شايف غير الفقر اللي عنده. ما هوش شايف غير الحاجة اللي ناقصة اللي عنده. تخيل العذاب النفسي اللي بيعيش فيه بقى. وهو مش شايف غير اللي ناقصة اللي عنده سبحانه الله العظيم اية الواحد لما تدبر فيها - [00:24:55](#)

اية الواحد لما تدبر فيها يا اخواني عربية تمانية وعشرين بيضة يعني معلى يا اخواني اللي عنده هذه السيارات بس سد الطريق برة تمانية وعشرين بيضة وشيف روليه عربية تانية شيف روليه ستة وتسعين سبعة وخمسين. خلاص وشيفوليه ستة وتسعين سبعة وخمسين. الواحد لما تدبر يا اخواني في قول الله سبحانه - [00:25:11](#)

وتعالى ولولا ان يكون الناس امة واحدة كان كل الناس كفرت لجعلنا لمن يكفر بالرحمن. شوفوا ربنا وصف قصر لا تقول لي شاليه صف اول هيسندبي ولا شاليه. صف اول جولف بورتو ولا شاليه صف اول شواطئ نصف فرنسا - [00:25:31](#)

ده قصر من اصول الملوك ولا حاجة لبشر عرفوا يوصلوا لها. لجعلنا لمن يكفر مش يعصي ولا يزني ولا يفجر ولا يسرق الكافر اللي هي اشد حاجة لبيوتهم سقفا من فضة مش سقف واحد دسقف معلقة وكلها فضة في فضة ومع - [00:25:51](#)

عليها يا زارون سلالم القصور واسانسيرات القصر فضة في فضة. المنزر المبهر ده. ولبيوتهم ابوابا وسررا عليها يتكنون. التحف الفنية والجاليري بقى. ابواب القصور بتاعتهم تحف. الجاليري اللي مالي القصور تحف. وزخرفا. يعني - [00:26:11](#)

قصر دهب في دهب. يعني مش العفش مدهون مدهب. مش الحيطه واخدة وش اصفر. ده القصر دهب في دهب. وان كل ذلك لما متاع الحياة الدنيا ولا كل ده يجيب سعادة. ليه؟ لانه من غير ربنا سبحانه وتعالى. ومن غير رضا ربنا سبحانه وتعالى. والاخرة - [00:26:31](#)

عند ربك للمتقين. قال الذين قال الذين اتوا العلم ويلكم ثواب الله خير. عايزين نصرخ الشباب والبنات يا جماعة وهي لكم يا رب ليه الكلام ده؟ طب الكلمة دي شديدة قوي ما هو لازم عشان الناس تفوق. ما هو لازم عشان الناس تصحى - [00:26:51](#)

ثواب الله خير لمن امن وعمل صالحا. ولا يلقاها الا الصابرون. يا شباب بعد اللي احنا قلناه دهوت عن اية في قصة قارون. يا ترى يا

بنات يا ترى يا شباب مين هو قارون؟ مين هو قارون؟ والواحد ببص في قصة قارون - 00:27:11

كده يا جماعة ده احنا عندنا قوارين كتير اوي اوي اوي. ده احنا عندنا الف قارون. البنت اللي الشاب مش عايز يلتزم بسببها. هو قارون ده لما بتظهر في حياة الشاب او في حياة البنت ما بيعرفش يلتزم بسببه. البنت اللي الشاب مش عارف يلتزم بسببها دي قارون صغيرة. الشاب اللي فاتن شباب - 00:27:31

كلهم وبعيدهم عن ربنا ده قارون صغير. البنت اللي مخرية بنات الكلية كلها مفتونة حتى الملتزمات يقولوا البنت اللي عايشة حياتها في قانون صغيرة. يا جماعة احنا بقى عندنا قوانين كتير اوي اوي. اوعى تبقى قارون. اوعى تبقى سبب لفتنة ناس عن الدين. اوعى تبقى سبب لفتنة ناس عن - 00:27:51

كل واحد بيشوفك ان انت سبب انك بعده عن دين ربنا. او انت قدوة له في معصية من المعاصي. انت بالنسبة له قارون صغير اوعى تبقى قارون. قارون يا جماعة في النهاية بقى عبرة. قارون يا شباب هو السبب ان الشباب بعد عن ربنا زي جيل الكليات اول ما طلع. الواحد كان - 00:28:11

الشباب قبل جيل الكليات. وبيكلم الشباب بعد الكليات. لا يمكن ما فيش وجه مقارنة. كذا قارون صغيرة كده طلعم جننوا الشباب عند ربنا سبحانه وتعالى كان نهاية قارون ايه؟ قارون كان هو السبب في فتنة الشباب. وكان هو السبب في رجوع المجتمع كله لربنا. فحسس - 00:28:31

يا ربي! فايه! فحسنا. خسف به وبداره الارض خسف يا رب ما ماتش فوفر دوس يا رب ما اتقلبتش به العربية على الطريق السريع ولا نزل تحت مقطورة ده اتخسف بالارض - 00:28:51

يا ربي يا جماعة لما الرسايل بتبقى شديدة اوي كده يبقى معناها ان اللي جاي خطر اوي. عشان كده موت قارون ده كان رسالة لفرعون وهامان. عشان كده لما فرعون وهامان ما قروش الرسالة هم اللاتين اتخسف بهم البحر. يبقى لما الرسالة تبقى - 00:29:11
معناها ان اللي جاي خطر. طب الوقتي يا شباب الرسايل الرسايل اللي جاية للشباب ليل نهار. يا اخواني اجراس الانذار الرباني لايقاظ الشباب والبنات بقت رهيبة. الرسايل دلوقتى عدت شديدة جدا. بصوا لموت الشباب. البنت اللي اللي قدام كلية من الكليات هنا جت عربية - 00:29:31

لأ ده ده الكلام ده كان من سنتين ولا حاجة ده موضوع ثاني. جت سيارة سبحانه الله العظيم! يعني قتلتها ده كان قدام على الطريق السريع عند يعني مش قادر اقول له والله يا جماعة اسم - 00:29:51

هي الكلية من الكليات الخاصة يعني واحد صاحبي بيوصف لي فيما حدس قلت سبحانه يا رب! سبحانه يا رب! انا لا اتكلم طبعا عن جهاد الله يرحمه يا جماعة! انا باتكلم عن بنت تانية - 00:30:01

هي كانت من سنتين واكد منزر الحادثة يقطع قلب. شائق من اخواني. بيكلمني عن موت فتاة. في مستشفى من المستشفيات. حاجة تقطع القلب يا اخي اخواني. لما تبص لموت الشاب. لما تبص لنهايات كتير من الشباب الوقتي قلبك يتقطع. قلبك يتقطع. ايه اللي بيحصل ده يا جماعة؟ الرسايل لما بتبقى شديدة - 00:30:11

معناها ان اللي جاي خطر زي رسالة قارون لما كانت خصف معناها ان اللي بعدها ايه؟ اللي بعدها يتخسى في البحر بكل اللي فضل غافل. بكل اللي فضل ما هوش عايز يفوق لما قارون كان رسالة يا جماعة. ولكن فرعون ما فاقش. ولكن هامان ما فاقش. ولكن كتير اوي من الناس ما فاقتش بالرسالة - 00:30:31

فيه ناس مش هتفوق غير لما تموت. فيه ناس مش هتفوق غير في اول ليلة في القبر. فيه ناس مش هتفوق غير لما تقف بين ايدين ربنا. فيه ناس مش هتفوق غير ساعة الباب - 00:30:51

في فرعون شاف الماشطة الماشطة بتاعة بنته ابنه نطق في المال وما فاقش فرعون شاف البحر اتشق لموسى وما فاقش.

فرعون شاف قارون اتخسف به الارض وما فاقش. ويمكن فرعون عمل جنازة قومية - 00:31:01

قرون وقال شهيد الواجب الوطني. وقال انه مات في ظاهرة من الظواهر الطبيعية. وقال ان قارون كان ليلتها بيقدم الوطن. وقال ان

قارون وحولوا قارون في رمز عند الشعب. فيه ناس ما بتفوقش يا جماعة. فيه ناس مش عايزة تفوق. الشاب اللي صاحبه مات. وهو ما فاقش. الشاب اللي له صاحب دخل السجن او - [00:31:21](#)

او انتحر وهو ما فاقش. الشاب اللي ابواب الرزق اتقفلت في وشه. والدنيا اسودت في عينيه. والناس كرهته ونفرت منه وما فاقش. الشاب اللي جا له نفسي واكتئاب ومش عارف ينام وما فاقش. زي الشاب اللي كان مع ثلاثة من اصحابه. واتقلبت بهم العربية في ترعة. الثلاثة ماتوا. خرج على مستشفى امراض نفسية - [00:31:41](#)

قعد يتعالج فيها فترة ولما خرج رجع للمخدرات والزنا والكبائر ثاني. ما فاقش زي المغني اللي كان على خشبة المسرح. والمغني اللي في اللي بعده بياخد جرعة مخدرات مات في الحمام. بيقول لي شدته من تحت الحوض ميت وكان داخل يغني بعدي. وما فاقش زي - [00:32:01](#)

الشاب اللي كان يبشرب مخدرات مع اصحابه وهو في شرب المخدرات كان هيموت. وهو بيموت قاعد يبص لهم ويقول دول هيتوبوا بسببي. وانا اللي هاشيلها لوحدي يوم القيامة واول ما فاق ونجا رجع يشرب معهم ثاني في نفس الليلة. زي وزي وزي زي اللي دخل في الموت وكل الناس حسبته مات - [00:32:21](#)

وهم بيغسلوه فاق واحد صاحبي معدي على القهوة بعدها لاقاه قاعد على القهوة قال له طب انا الوقتي لو انت ما كانش حصل لك كده كنت هقول لك خاف تموت انما ده انت - [00:32:41](#)

كانك مت ورجعت ثاني. فيه ناس مش عايزة تفوق يا جماعة. والرسايل الوقتي بقت شديدة جدا. والرسايل اللي بتوصل للشباب اجراس الانزار. فيه فرق من جرس انزار عربية بتتسرق وجرس انزار مصنع بيولع وجرس انزار مفاعل نووي حصل فيه تسرب اجراس الانزار - [00:32:51](#)

اللي بتدق في حياة الشباب الوقتي بقت في غاية الخطورة. بقت بتقول للشباب في حاجة خطر هتحصل. والله الوضع ده ما يتساب. والله اللي بيحصل في حياة الشباب داهو واللي بيحصل على النت والقنوات وفي كل مكان والقافيهات الوضع ده مش هيكمل يا جماعة الوضع ده مش هيستمر زي ما ربنا بتع اية - [00:33:11](#)

زلزلة قلب المجتمع كله. خلت المجتمع كله يرجع لربنا. بس المصيبة ان انت تبقى الاية دي. المصيبة ان انت الاية دي. المصيبة ان انت اللي بسببك الناس تفوق. المصيبة ان انت اوعى تبقى قارون. اوعى تبقى قارون - [00:33:31](#)

اوعى تبقى الاية اللي ربنا هيوريها للناس عشان الناس تفوق. اوعى تبقى العبرة اللي ربنا هيوريها للناس عشان الناس تعتبر. اوعى تبقى المغني اللي مات عشان صاحبه يتوب. اوعى تبقى الممسل اللي مات في حجرة الزنا عشان مدير الاعمال بتاعه يفوق. اوعى اوعى تبقى الثلاثة شباب اللي - [00:33:51](#)

في حادثة عشان الشاب اللي كان جنب من الزنا زيهم والثلاثة ماتوا جنوب من الزنا. عشان الشاب الرابع اللي نجا يبقى داعي الى الله. اوعى تبقى البنت اللي ماتت في معصية خطيرة والعياز بالله. عشان الشاب اللي كان معه ساعتها يتوب. اوعى اوعى تبقى الشاب اللي مات في حجرة زنا - [00:34:11](#)

واصحابه قاعدين برة في الصالة بتاعة الشقة عشان اصحابه يرجعوا لربنا. اوعى اوعى تبقى انت العبرة اللي غيرك يعتبر بها. اوعى تبقى انت قارون اللي هيبقى السبب ان كل الناس تفوق. وان كل الناس ترجع. وان كل الناس ترجع لربنا. اوعى تبقى انت مكانه. يا شباب المفاجأة الخطيرة - [00:34:31](#)

جدا في القصة المفاجأة الخطيرة جدا ان قارون لم يكن كافرا. قارون ما كانش كافر. معظم المفسرين ان قارون امن بموسى وحتى اعلن ايمانه بموسى يعني ايه؟ بل كسير من المفسرين قال لك ان قارون ممن عبروا البحر مع موسى. يعني سبحان الله! يعني يا اخواني مش الكفر بس اللي - [00:34:51](#)

مش الكفر بس اللي اهلك قوم مدين. ده المعاصي اللي عملوها اهلكتهم زي الكفر. مش الكفر بس اللي اهلك قوم لوط. ده المعاصي اللي عملوها اهلكتهم الكفر مش الكفر بس اللي اهلك كلها في الدنيا. زي ما الكفر بيهلك المعصية بتهلك. هارون قارون ما كانش كافر

يا جماعة. ومع ذلك - 00:35:15

ربنا اهلكه. ومع ذلك ربنا خسف به عشان يفوق الدنيا كلها بموته. عشان يخليه عبرة الدنيا كلها تفوق بسبب موته اكثر واحد مجنون اكثر واحد مجنون في الدنيا كلها اللي رمى نفسه ورا قارون لما قارون اتخسف من الارض عشان ينزل البحر يطلع كنوز قارون -

00:35:35

اللي متعلق بكنوز قارون حتى بعد ما ربنا خسف بها. زمان كان فيه قارون واحد. فتن الشباب والبنات والام عن ربنا. الوقت احنا عندنا قارون قارون خرج على قومه من من خرج على قومه في زينته. خرج عن الناس. قال الشباب دول عمرهم ما هيزيعوا كده. الشباب طول ما هم - 00:35:55

ويسمعوا على المعصية عمرهم ما هينحرفوا. الشباب لازم يشوفها قدام عينيه. لازم يشوفها على صفحات الفيسبوك وعلى اليوتيوب وعلى النت وعلى القنوات. وفي الشوارع وفي موديلات المحلات اللي في كل مكان. وفي النوادي وفي الشواطئ وفي المواطيف وفي القرى السياحية. الشباب لازم يشوفوا الدنيا. لازم يشوفوا الفل - 00:36:15

لازم يشوفوا الماكينات بتاعة الشاليهات. لازم الشباب لازم يفتتح على الدنيا كلها. لازم نوربهم على انت اجمل قصور في الدنيا. واجمل منتجات سياحية في الدنيا واجمل موديلات في الدنيا واجمل بنات في الدنيا. الشباب مش هيزيع. غير لو شاف بعينه. زي ما عملوا مش هتقدر تغض عينيك. لان هم فاهمين - 00:36:35

فاهمين واحد من اخواني قالوا له هنعمل برنامج وهنسفركم انجلترا وهنعمل برنامج كبير سبحانه الله العزيم البرنامج ده كان اسمه فتنة. كان اسمه فتنة. حاولوا انهم يقعدوهم مع راقصات او راقصة. حاولوا ان هم يعني بصورة بعضهم طبعاً مش - 00:36:55
حاولوا ان هم يسفروهم برة. حاولوا ان هم يقعدوهم مع شخصيات علمانية مشهورة. حاولوا ان هم يقعدوهم مع بنات. حاولوا ان هم ساعدوهم مع افكار غير دينية. فسبحان الله العظيم لما تدبرت في اسم البرنامج. وتدبرت في موضوع قلت بس. هي دي كلمة فتنة بالنسبة لهم - 00:37:13

هم بيقول لك ان انت دلوقتي مقفول. فانت مش عايز تنزل للدنيا وتسبب الدين طول ما انت مقفول. طب تعال بقى تعال اما افركك الدنيا. تعال اما افركك الفتن تعال اما افركك الشهوات. تعال اما افتنك عن الدين. فيبقى هي دي الفتنة. كان الفكر اللي هم وصلوا له عايزين تضيعوا الشباب - 00:37:33

الدنيا احنا عايزين نقول لهم ويلكم ثواب الله خير. فاهمين الكلمة يا شباب؟ فاهمين الكلمة يا بنات؟ فاهمين الكلمة ويلكم يعني اللي بيعمل المعصية يا ويله. يعني ما بصوش للقشرة اللي من برة اللي فيها لزة. ده بصوا للي ورا المعصية. من الويل في الدنيا والاخرة. ثواب الله - 00:37:53

خير يعني اللي بيعمله الطاعة. ما بصوش لقشرة المجاهدة اللي على الطاعة من برة. بصوا للي هيجي بعد كده في الدنيا وفي الاخرة في حياة اللي ربنا مش عايزين نعيش مخدوعين. عايزين نعيش مصدقين ربنا سبحانه وتعالى. قال تعالى فحسبنا به - 00:38:13
وبداره الارض. فحسبنا الله قادر انه يعمل اي حاجة في اي حد. الله قادر انه يعمل اي حاجة في اي حد عصاه الله قادر يا جماعة. حلم ربنا مش معناه ان ربنا ما يقدرش. حلم ربنا مش معناه ان ربنا مش غضبان. حلم ربنا مش معناه ان ربنا راضي - 00:38:33
عن اللي بيحصل. حلم ربنا مش معناه ان اللي بيحصل ده هيتسكت عليه. والله ما هيتسكت عليه. والله ما هيتسكت عليه. ولا يمكن ربنا يسبب القلوب اللي عايزين يوصلوا لربنا. من الرجال والنساء والشباب والبنات. تفضل قلوبهم كده تايهة ما بين الدين والدنيا. لازم هيحصل حاجة. اوعى تكون انت جزء - 00:38:53

ايه الحاجة اللي هتحصل دي؟ فحسبنا به وهو في قمة العز بتاعه. ربنا خسف به وهو وسط امواله. خسف به وهو وسط خزائنه. خسف به هو وسط النساء اجمل نساء الدنيا. خسر قارون كان عنده فلوس اغنى من دول. خزائنه المفاتيح بتاعتها تنوء بالعصبة. خزائن اي - 00:39:13

في دولة في العالم مفاتيحها ما تنوقش بالعصبة. قارون كان اغنى من دول. ومع كده المال بتاعه ما نفعوش. والشهوات بتاعته ما

نفعتوش. وبدال طب يا رب خسفت بداره ليه ؟ طب يا رب كانت الكنوز اللي عنده دي والذهب اللي عنده ده كنا خدناه يا رب صرفناه عن دعوة. يا رب ده الفلوس اللي عنده ديت - [00:39:33](#)

لو كانت اتصرفت على الجهاد كانت يا رب يا رب ده الفلوس بتاعته ديت لو كان اتاخدها فرعون رشوة كان ساب بني اسرائيل يخرجوا من مصر من غير مشاكل يا رب ده الفلوس بتاعته ديت كان ممكن الكرة الارضية تسلم. بسبب الانفاق من الفلوس دي على الدعوة. ربنا بيعلمنا درس يا شباب. ربنا بيقول لك انا مش - [00:39:53](#)

محتاج لفلوس، ولا الدين محتاج لفلوس، ولا الدين محتاج لذهب. ولا الدين محتاج لزينة، ولا الدين محتاج لاي جزء من اجزاء الدنيا اللي فاكر ان الدين هينتصر بالدنيا. الدنيا لو ربنا اداها لك وانت نصرت بها الدين. جزاك الله خيرا. ولكن اوعى تفكر ان ربنا محتاج دنيا عشان دينه - [00:40:13](#)

اوعى تفكر ان دين ربنا محتاج فلوس. امال دين ربنا محتاج ايه؟ دين ربنا محتاج رجالة. دين ربنا محتاج رجالة تشيله. دين ربنا محتاج راجل يشيل الدين هو ده اللي هينشر الدين في الارض. عشان كده لما قارون كان هيفتن الدنيا كلها والدعوة وقفت زي ما الدعوة - [00:40:33](#)

دلوقتي شبه واقفة كده. زي ما الدعوة واقفة. زي ما بتدخل على قهوة كاملة. فيها مئات الشباب. مئات ان لم يكن الاف الشباب في بعض الاماكن. وتفضل صرخ فيهم وتهزوهم. وفي النهاية ما فيش واحد منهم تحس انه بجد اتهمز وان هو هيتوب. الدعوة دلوقتي تحس ان هي واقفة سبحان الله - [00:40:53](#)

والله العظيم. ولكن الوضع ده لن يستمر. فخسفنا به وبداره. دين ربنا مش محتاج فلوس. دين ربنا محتاج رجالة. عشان كده لما القانون جه يفتن وقال الذين ايه؟ اوتوا العلم. اوتوا العلم هنا مش معناه مزاكرين فقه وعقيدة. اوتوا العلم دا يعني قلبه منور. اوتوا العلم دا يعني عنده علم ان - [00:41:13](#)

الاخرة هي الحق. اوتوا العلم ده يعني اهل اليقين اللي عندهم علم بالله. وبمراد الله. يعني موسى ما اتكلمش لوحده. موسى ما واجهش قانون لوحده. طب الوقتي لو فيه الف قارون ميين اللي هيواجههم لوحدهم؟ يا اخوانا ده دوركم. يا اخواني ده دوركم. يا اخواتنا ده دوركم. عايزين - [00:41:33](#)

مليون قارون بيفتن الشباب والبنات عن ربنا. عايزين نفوق الناس. عايزين مليون واحد من اللي اوتوا العلم من اللي فهموا صح. ينزلوا الشباب في كل مكان يقولوا لهم ويلكم ثواب الله خير. انتم عارفين انتم بتضيعوا ايه. انتم عارفين انتم بتودوا نفسكم فين. يا جماعة - [00:41:53](#)

في قارون خرج على قومه. قارون فهم ان الحل ان احنا ننزل واهل الباطل فهموا ان الحل ان احنا نعمل لهم اكس فاكطور. وصوت الحياة وعرب الحل ان احنا والملحن اللي نزل مدرسة سانوي مضى عقد مع عشرين بنت. عقد احتراف غناء. هم فهمم ان الحل ان احنا نوصل للناس - [00:42:13](#)

نطلع من الجذور الفساد. ولكن احنا مش فاهمين ان الحل اللي عمله سيدنا زكريا في سورة مريم فخرج على قومه. الله نفس الكلمة بتاعة قارون خرج على قومه. ربنا قالها على زكريا خرج على قومه من المحراب. قارون خرج على قومه بالذهب عماهم - [00:42:33](#)

زكريا خرج على قومه بالنور ما خطفش عيونهم. خطف قلوبهم. الحل ان احنا ننزل. الحل ان احنا ننزل للناس. الحل ان احنا ننزل نفوق ناس عمر ما اهل الباطل بيقلوا بينزلوا. واحنا قاعدين نكلم الناس في مسجد او في قناة فضائية اسلامية والناس تفوق. لازم ننزل نفوق الناس - [00:42:53](#)

لازم ننزل نوقف الناس. واللي مش هينزل يوقظ الناس هو نفسه هيبقى متخدر. فخسفنا به وبداره الارض فاصبح الذين تمنوا مكانه بالامس. يقولون وي كان الله يبسط الرزق لمن يشاء - [00:43:13](#)

هو يقدر وي كلمة واحد فاق. ايه ده! انا كنت متخدر ولا ايه! فاصبح قانون كان امبارح هيلمان. ربنا بيقول الذين تبنا مكانه بالامس. ده الناس نامت. صحت ما لقتش قارون. صحت ما لقتش فتن قارون. فاصبح - [00:43:31](#)

ربنا قادر انه يغير الوضع ده كله في ليلة. ربنا قادر انه يغير الفساد ده كله في ليلة. ربنا قادر يا جماعة فاصبح الذين تمنوا كانوا نايمين احلام اليقظة هتقطع قلوبهم. من كتر ما هم قاعدين يبصوا على الدنيا تبني ومكانة. يا ريتني كنت مكانك. اه يا جامد -

[00:43:51](#)

اه يا نجم! اه يا جامد طحن اخر حاجة! اه يا اللي انت عايش بجد! اه يا معدي! اللي كانوا امبارح هيموتوا على الدنيا! بقوا النهاردة شيوخ بقوا النهاردة بيقولوا ويك ان الله يبسط الرزق لمن يشاء ويقدر. ربنا ممكن يبسط وممكن يقدر وممكن يسحب الدنيا من واحد.

[00:44:11](#) احنا كنا -

احنا كنا مش فاهمين! احنا كنا حيوانات بنعبد الشهوة بتاعتنا! احنا ما كناش فاهمين ازاي ان ما فيش طريق للسعادة غير طاعة ربنا!

[00:44:31](#) احنا ما كناش فاهمين ازاي ان ما فيش -

طريق للرزق غير في ايد ربنا. ان خيوط الرزق كلها في ايد ملك الملوك لوحده. احنا ازاي ما كناش صاحيين؟ احنا ازاي كنا معميين؟

[00:44:41](#) لولا امن الله علينا لخسف بنا -

واحد كان نفسه يبقى مكان قارون يتخسف به ليه؟ هم بيقولوا احنا كنا نستاهل الخسف معه. بس ربنا ما خسفش عارفين ليه يا شباب؟ لان الشاب دلوقتي مصيبته مش انه بيعصي ربنا. الشاب دلوقتي مصيبته انه فاكر ان ربنا عدوه. الشاب دلوقتي مصيبته انه

[00:44:55](#) فاكر ان دخول ربنا في -

الحياة معناه ان هو هيتخنق. الشام دلوقتي مصيبته ان فاكر ان دخول كلام ربنا في حياته معناه انه هيتقيد. معناه انه هيتشل. معناه انه مش هيتمتع معناه انه هيعيش حياة صعبة. معناه انه هيعيش حياة لا تحتل. وما فيش جريمة في الدنيا اكتر من كده. بص لقلبك

[00:45:16](#) الوقتي. بص لقلبك الوقتي وشف -

قلبك يا ترى يا جماعة قلوبكم فيها ايه؟ يا ترى لما بيتعرض عليك الطاعة؟ يا ترى وانت واقف تصلي بتصلي فرحان؟ يا ترى وانت قايم من السجود قايم عطشان اللي قايم زهقان يا ترى لو اديتك كتاب دعاء دلوقتي وقلت لك ادع ربنا بكل اللي فيه. هتدعي ربنا

[00:45:36](#) وقلبك طابير ولا وانت مخنوق ونفسك تخلص -

وانت بتقرا ورد القرآن. بتقرا وانت بتفكر اخر اية هتيجي امتي ولا طابير ومش بتفكر. يا ترى وانت بتقول اذكرك الصباح والمساء ولا اذكرك النوم بتقولها وانت نفسك تخلص وخلاص ولا بتقولها وانت طابير وقلبك مع ربنا؟ يا ترى لما بيتعرض عليك معصية؟ يا ترى لما

[00:45:56](#) بتشوفي بنت ماشية مع شاب -

بعرية وطايرين هم اللاتين بيضحكوا. يا ترى بتفكر في ايه؟ يا ترى بتقول يا ريتني مكانهم؟ يا ترى بتقول ايه؟ قال الذين يريدون

[00:46:16](#) الحياة الدنيا يا ليت لنا مثل ما اوتي قارون عايزين نكسر دي -

عايزين نكسر دي. عايزين بعد كده يا جماعة ما يتقالش يا ليت لمسل البنت اللي عايشة حياتها والشاب اللي بيعصي ربنا. يا ليت لي

[00:46:31](#) مسل البنت اللي لابسة لبس امهات المؤمنين -

يا ليت لي مثل الشاب اللي بيكافح عشان يوصل لربنا ويبغض بصره. حتى لو اجمل نساء الدنيا مشوا ومشوا كاسيات عاريات قدامه.

لن يتزعزع عن يا ليت لي مثل المقبل على الله. يا ليت لي مثل اللي فهموا الدنيا صح. يا ليت لي مثل اللي ربنا نور بصائرهم. يا ليت

[00:46:41](#) لي مثل الشاب. انا نفسي اجيب -

كبير واسميه اه يا جامد واشقه نصين. وفي نص منه ارسم شاب عامل شعره في كل اتجاه كل خصلة بالجل في كل اتجاه وماسك ورقة جواز عرفي في ايديه. ولا بس اللبس الاستايل اللي هو عايزه. وبيشرب كاس خمرة او سيجارة او مخدرات. وحط في المنزر

[00:47:01](#) الثاني -

منزر شاب وشه منور ووسام السنة في وشه وماسك المصحف والنور طالع من المصحف وطالع من قلبه وطالع من وشه. وقاعد في مسجد وبيعبد ربنا بنكتب تحتها يا ترى مين الجامد طحن اخر حاجة؟ يا ترى مين فيهم النجم؟ يا ترى مين فيهم نجم النجوم؟ يا ترى

[00:47:21](#) مين فيهم السوبر ستار؟ يا -

يا ترى مين فيهم المعدي؟ عايزين نفهم صح يا جماعة. انت الوقتي وانت قاعد وانت الوقتي وانت قاعدة يا ليت لنا مسليه. يا ليت لك مسليه نفسك تبقى زي مين؟ نفسك تبقى زي مين؟ زي مغني ولا صاحب برج ولا ولا نفسك تبقى زي انسان عابد. ولا نفسك تبقى زي انسانة كل همها - [00:47:41](#)

توصل لربنا هي دي النقطة يا جماعة. يا ليت لنا مسل ايه! يقولون ويكأن الله يبسط الرزق لمن يشاء لولا ان من الله علينا لخسف بنا. بص لقلبك. ما تبصش للزاهر بتاعك. بص لقلبك نفسك في ايه. لو انت قلبك بيتمنى - [00:48:01](#)

المعصية دي جريمة. ولو انت قلبك بيتمنى الطاعة يبقى انت اللي عايش صح صلاة وسلاما على عباده الذين اصطفى. اما بعد احنا الوقتي اتكلمنا في ايتين يا جماعة من كتاب الله. اتكلمنا في قول الله فخرج على قومه - [00:48:21](#) في زينته. قال الذين يريدون الحياة الدنيا يا ليت لنا مثل ما اوتي قارون. احلام اللي مالي قلوب الشباب. انه لذو حظ عظيم. وقال الذين اوتوا العلم ويلكم. ثواب الله - [00:48:38](#)

لمن امن وعمل صالحا. ولا يلقاها الا الصابرون. فخسفنا به وبداره الارض فاصبح الذين تمنوا مكانه بالامس يقولون وي. ويك ان الله يبسط الرزق لمن يشاء ويقدر. لولا ان من الله علينا لخسف بنا. ويك انه لا يفلح الكافرون. تلك الدار الآخرة. الايتين اللي اتكلمنا فيهم دول يا جماعة - [00:48:58](#)

الايتين اللي اتكلمنا فيهم دول جابوا اربع انواع من الناس اخر سؤال بسأله لك. انت مين من الاربعة دول؟ انت قرون اللي هيبقى عبرة لغيره عشان غيره يفوق. انت قرون اللي هتبقى - [00:49:28](#)

عبرة لغيرها عشان غيرها يفوق. ولا انت اللي لما شاف الدنيا وشاف الدنيا خارجة في الزنا بتاعتها انبهر بها وكان هيموت عليها. وقال انا ما اقدرش ما اقدرش ان انا اسيب الدنيا. ولما بنت قالت له اختر يا انا يا رضا ربنا اختر البنت. لانه ظانن انه لا يمكن هيقدر يسيب. ولا انت - [00:49:43](#)

الذين اوتوا العلم ولا انت اللي ربنا منور لك بصيرتك؟ ولا انت اللي فاهمة وفي وسط ما كل البنات بتجري على الموديلات انت بتجري على على لبس المؤمنين وفي الوقت اللي كل الشباب بيخرجوا على الدنيا انت بتجري على ربنا وتبصري على الدين. ربنا سماك عالم. ولا انت النوع الرابع؟ ولا انت النوع اللي - [00:50:03](#)

ما تكلمش عنه اصلا السليبي اللي لا كان هنا ولا كان هنا. اللي لا بقى هنا ولا بقى هنا. السليبي اللي لا وقف مع الدين ولا اتفتن بالدنيا اللي ما لوش دور. اللي ما كانش له دور في الحياة. لا عمل حاجة في المعصية ولا عمل حاجة في الطاعة. لا ساب بصمة هنا ولا ساب بصمة هنا. زي ما كل انسان له - [00:50:23](#)

بصمة غير الثاني لازم كل واحد فينا يبقى له بصمة في الدين غير الثاني. يبقى له حاجة يعملها في الدين غير الثاني. انت مين؟ انت اللي بيقول يا ليت لنا - [00:50:43](#)

مثل ما اوتي اهل الدنيا ولا اللي بيقول يا ليت لنا مسل ما اوتي اهل الطاعة. اللي ربنا افاض عليهم في الطاعة. انت مين؟ يا اخوانا ربنا لما هلاً على قصة قارون سبع ايات في اخر سورة القصص. سبع ايات النص الاولاني فرعون وبني اسرائيل. والنص الثاني في القصص قارون وبني اسرائيل - [00:50:53](#)

لما فرعون خرج بسيفه ورا اليهود اليهود ما خافوش وراحوا اتشق لهم البحر. لما قارون خرج بدهبه اتشلوا. ما حدش قادر يعمل حاجة لما شاف الدنيا وبريق الدنيا ربنا بيقول بعد القصة من جاء بالحسنة فله خير منها. مش من عمل الحسنة - [00:51:13](#)

القضية مش مين اللي عملها. القضية مين اللي جه بها. القضية مش مين اللي كسب مليون جنيه. في الخليج وهو بيشتغل هناك القضية مين اللي جيب المليون جنيه لا ضاعوا منه ولا اتسرقوا منه ولا وقعوا منه. ولا اتنصب عليه فيهم. القضية مين اللي حافز على دينه؟ مين اللي ما وقعش في - [00:51:32](#)

طريق مين اللي اطاع شوية وبعد كده وقع؟ مين اللي كمل؟ اوعى اوعى التزامك يبقى في يوم من الايام زكريات اوعي حبك للدين وللحجاب يبقى في يوم من الايام زكريات - [00:51:52](#)

اوعى قيامك وصيامك يبقى في يوم من الايام زكريات. اوعى حبك للدعوة الى الله يبقى في يوم من الايام زكريات. اوعى طموحك الایماني انك توصل ربنا يبقى في يوم من الايام زكريات. اوعى حبك للقرآن وطموحك انك تحفظ القرآن يبقى في يوم من الايام زكريات. اوعى اوعى رغبتك انك تعملی حاجة للاسلام انت - [00:52:02](#)

في يوم من الايام زكريات. اوعوا جهادكم وسباتكم والتزامكم وطاعتكم. اوعوا حضوركم للدروس. وسماعكم لاهل الدين يبقى في يوم من الايام زكريا اوعوا زينة الدنيا تشغلکم عن ربنا. اوعوا اي حاجة تحصل في الدنيا تشغلکم عن طريق ربنا. من جاء بالحسنة الی جه بها. الی - [00:52:22](#)

فضل مکمل في النهاية في غزوة خيبر واحد من الناس جه للنبي عليه الصلاة والسلام عبد اسود اللون قبيح الوجه. بيقول له يا رسول الله انا اسود اللون قبيح الوجه. دمیم غير جميل لفقر لا مال لي. افا ان اسلمت ماذا لي؟ ربنا يعمل لي ايه؟ النبي قال له الجنة. ما فيش - [00:52:42](#)

ما فيش غير الجنة. يعني انت الوقتي وانت داخل تجاهد لازم ما تفكرش غير في الجنة. الصحابي اسلم دخل قتل دخل الجنة في اخر من حياته. لحق الجنة في اخر ساعة. في نفس الغزوة. في نفس الغزوة خادم رسول الله. غلام يخدم رسول - [00:53:02](#)

الله ثم خرج مع رسول الله في الجهاد. بعد ما كان مع النبي في صلح في الحديبية. وهو في الجهاد اتقتل الصحابة قالوا هنيئا له الشهادة. هنيئا له الجنة. خدم رسول الله صلى الله عليه وسلم. وجاهد معه وقتل شهيدا. فازا - [00:53:22](#)

النبي عليه الصلاة والسلام ينتفض ويقول كلا كلا ان الشملة التي اشتملها حنة القماشة الی سرقها من الغنائم لتلتهب في قبره نارا يا ربي تحط النموذجين قدام عينيك وتنهر. واحد عاش حياته كافر. وفي اخر ساعة من حياته عرف - [00:53:42](#)

طريق الجنة وواحد عاش حياته يخدم النبي. وفي اخر ساعة من حياته عمل كبيرة من الكبائر ومات عليها. فالتهب عليه قبره القضية مش انك تطيع ربنا. القضية مش انك التزمت الوقتي. القضية مش انك دخلت درس الوقتي. القضية مش انك سمعت شروطين.

القضية مين الی - [00:54:02](#)

فاصل القضية مين الی هيكمل؟ القضية يا شباب مين الی هيسبت للنهية؟ مين الی هيوصل في طريق ربنا للنهية؟ اه يا جامد! اه يا تقيل! اه يا رويش طحن! جامد طحن اخر حاجة يا ناس! مش ممكن يا جماعة! هي دي الناس الی عايشة! يا بختك - [00:54:22](#)

يا بختك يا ترى الكلمة دي هي فضل الناس تقولها على اهل الدنيا هي فضل الناس تقولها على الی ربنا قال عليهم ويلکم هي فضل الناس تقولها على الی مخدوعين في الخروف الميت المعفن وجابوه وشوه وخطوا عليه بهارات وكاتشب ومايونيز. وعملوه سندوتشات تيكايوه قاعدين ياكلوا فيها. وهم - [00:54:42](#)

هم لو شافوا منظره هيرجعهم من من الغثيان. ما هماش عارفين هم بياكلوا ايه. يا ترى الجامد طحن هو الی بعيد عن ربنا ولا قريب من ربنا عايزين نخرج يا اخوانا عايزين نخرج من الدرس ده والدنيا منورة قدام عيننا والدنيا كلها يعني منورة قدام عيننا يا شباب - [00:55:07](#)

لسه ثلاث شهور على رمضان بازن الله سبحانه وتعالى. لسه ثلاث شهور على رمضان. عايزين سجايد الصلاة تتقطع في التلات شهور دول. عايزين على ما يبجي رمضان رمضان نكون استعدينا اخطر استعداد في الدنيا بالعلاقة بكتاب ربنا. بالعلاقة بالقرآن يا اخوانا. بالعلاقة بالطاعة. توصية الدرس الاسبوع ده. توصية الدرس - [00:55:27](#)

الاسبوع ده مش هنقول حاجة. توسيط الدرس الاسبوع ده زي الغراب الاعمى. الغراب الاعمى. يعني يعني واحد من من الناس عابد وقاعد في الجامع يعبد. فواحد من العلماء بيقول له انت قاعد مستني الی يجيب لك تاكل ليه؟ ما تسعى على رزقك. قال له يا اخي ده انا شفت غراب اعمى غلبان - [00:55:47](#)

قلت هياكل ازاى يا عيني! جه غراب بصير لقيته بيحط له الاكل في بقه. شف ربنا رزق الغراب الاعمى ازاى! وهو قاعد غلبان وما لوش حلم العالم قال له كلمة خطيرة جدا. قال له كلمة جميلة جدا. قال له ولما رضيت ان تكون انت الاعمى - [00:56:07](#)

ما تبقاش انت البصير. يا شباب تسعين في المية من الملتزمين والملتزمات راضيين ان هم يبقوا الاعمى. بس مش في الرزق في

الدين. مستني ان واحد يبجي يحفظه قرآن. مستني ان واحد يبجي يفوت عليه. عارفين يا شباب؟ عارفين عشر تلاف شاب وفتاة في المنصورة - 00:56:27

ممكن يبجوا الدرس النهاردة لو واحد كان اتصل بهم قال لهم تعالوا. هم عايزين يبقوا لعمة. عايزين يبقوا اللي مستني ان حد يبجي ياخده من ايديه. عشر تلاف شاب وفتاة في المنصورة مستنيين انهم يحفظو القرآن. لو جه واحد صاحبهم قال لهم تعالوا ده في جلسة تحفيظ قرآن. الاف الاخوة والاخوات مستنيين انهم يقوموا ليلة - 00:56:47

لو اتقال لهم ده فيه قيام جماعي في المسجد اللي جنبكم. تعالوا ننزل نصلي مع بعض. ليه قاعد مستني حد يبجي يشدك من ايدك؟ هو الشاب اللي بعيد عن ما يستني حد يبجي يقول له تعال انزل اقعد على قهوة. تعال انزل رح نادي. لو ما فاتوش عليه ما هوش رايح النادي. لو ما كلمهوش ما هوش نازل القهوة. لو ما - 00:57:07

ما هوش رايح الرحلة. لو ما قعدوش يقنعوه ما هوش رايح الحفلة. ليه في المعصية؟ الناس صابرة ومجتهدة وتعبانة وفي الناس الناس بتعجز. لما رضيت ان تكون انت الاعمى. اسعى على دينك. اجري على دينك. اجري يا ابني الاسبوع ده. الاسبوع ده يا اخواني واخواتي - 00:57:27

عايزين نفتح على بيئة الدين في المنصورة. عايزين نحضر درس الشيخ احمد جلال يوم الاربع من المغرب للعشا في الصديق. عايزين نحضر درس دكتور عبدالرحمن الصاوي يوم السبت. بكرة من المغرب للعشاء في الجمعية الشرعية. عايزين نحضر دروس عايزين نتشحن عايزين ننور. يا ابني انت لو راح منك في يوم الف جنبه هتتقهر فيها - 00:57:47

والله العزيز يا بنات ويا شباب درس ديني. قلبك يتشحن فيه اغلى من الدنيا واللي فيها. انت في الدنيا هتندم على الف جنبه راحت منك وهتندم على وظيفة راحت منك. وهتندم على فلوس وقعت منك. ولكن في الآخرة هتندم على كل درس كان هيقربك من ربنا وما حضرتوش. على كل شريط - 00:58:07

هيقربك من ربنا وما سمعتهوش. خالد ابن الوليد لما كانوا بيدوا له المصحف كان ياخده وهو بيبكي. ويقول شغلنا الجهاد عن القرآن ده خالد. انت بقى شغلك ايه عن القرآن؟ انت شغلك ايه عن دروس الدين؟ انت شغلك ايه عن حفز القرآن؟ هتقول لربنا ايه؟ لما ربنا يقول لك ايه اللي شغلك عني - 00:58:27

ايه اللي شاغلك عن حضور درس بكرة في الجماعة الشرعية من المغرب للعشاء؟ شغلك ايه؟ كنت نايم؟ شغلك ايه؟ كنت مكسل؟ شغلك ايه؟ كنت بتاكل؟ شغلك ايه عن رحمة الله في الارض. شغلك ايه عن ابواب الوصول الى الله في الارض؟ شغللكم ايه عن اماكن الصلبة الصالحة؟ شغللكم ايه عن حفز القرآن - 00:58:50

يا اخواني يا جماعة عايزين نفكر صح. التوصية بتاعة الاسبوع ده انطلق نطلق في بيئة الدين بقى. نطلق في كل فرصة من الفرص اللي ربنا فتحها لنا من حفز قرآن من حضور دروس. نتعرف على الناس. نبدأ نكون بها ايمانية. ان شاء الله بازن الله - 00:59:10

يعني يعني فيه تفكير ان يبقى فيه مشروع هنا ان شاء الله بازن الله آآ في الدرس هيبقى مشروع جميل قوي ان اخوة كل منطقة يتعرفوا على بعض. اخوة او اخوات كل - 00:59:30

المنطقة يتعرفوا على بعض. يعني يبقى فيه عمود كده بعد الدرس لكل ناس من منطقة واحدة بحيس ان يبقى فيه بيئة ايمان. بحيس ان اللي يروح يلاقي به ايمان ربنا - 00:59:40

واقعين بس بازن الله سبحانه وتعالى. يعني اخوانكم بقى في الفريق الحركي المصاحب للدرس اخوانكم في الفريق الحركي المصاحب للدرس ان شاء الله بازن الله. كلمة الحركة دي يعني يعني اللي بيعمله يعني زي الرحلة النبيلة بتاعة الاربع اللي فات كده. بازن الله وزي معسكر - 00:59:50

الحلوة الفريق بتاع ايامنا الحلوة. بتاع المعسكر آآ عاملين رحلة يوم الاربع القادم. ان شاء الله بازن الله. عاملين رحلة يعني سبحان انا كنت بتصل بهم النهاردة بس ما عرفتتش اوصل يعني دكتور محمد بقى آآ آآ عشان اقول له فكرة اليوم ده. فكرة المعسكر الاخوي اليوم ده - 01:00:06

كنت عايز اقول له عايزين الشباب بتوع الدرس نقعد يوم مع بعض كامل في مكان بعيد كده. يعني في الشتاء الوقتي مكان مسلا في زي دمياط الجديدة زي جمصة زي راس البر مكان كده يعني احنا عملناها اخواني من حوالي شهر كده خدنا يوم عمارة على البحر كده في جمصة وقعدنا - [01:00:26](#)

مع بعض. كنا ما شاء الله مجموعة كده من الاخوة يوم بقى قعدنا نتعرف على بعض. والناس تتعرف على بعض. ويبقى نفتح قلوبنا لبعض. كان يوم في غاية الخطوبة الاخوة اتعرفت على بعض وبقي فيه بيئات ايمانية وكانت السمرة من اخطر ما تكون. لقيت اخ بيتصل بي كنت بكلمه. جاي من دمياط بيقول انا اتعرفت على - [01:00:46](#)
دمياط اللي كانوا معنا واخوة شربين واحنا من المنصورة. واتقابلنا مع بعض. احد اخواننا خارج من محل لقي سبعة ماشيين مع بعض. ببسلما عليه. قالوا له احنا ما كناش نعرف - [01:01:06](#)

قبل اليوم ده اللهم لك الحمد بقينا صحبة في حياة بعض. يعني عاملين لكم يوم بازن الله هيبقى في دمياط الجديدة. يوم الاربع القادم هيبقى اللقاء الفجر في مسجد السلاب باذن الله سبحانه وتعالى - [01:01:16](#)
اللقاء الفجر ولكن طبعا مش هينفع ده يبقى زي المركب النيلية يا اخواني. آآ او مش مش هينفع اوي يعني بس يعني عشان برضو الزروف ما تزقش. المركب كان ممكن حد يجي من غير ما يتصل - [01:01:29](#)
ولكن اللي عايز يبجي المعسكر الاخوي ده يعني نسميه معسكر حب في حب. نسميه معسكر الحب في الله بقى. نفتح قلوبنا لبعض ونحب في بعض نقعد يوم كده نتعرف على بعض. نتوعظ وفي نفس الوقت هيبقى في فقرات طبعا رياضية يعني ونرمي بعض في البحر. يعني هيبقى فقرات جميلة ان شاء الله. يعني كان من اجمل - [01:01:39](#)
الفقرات اللي عملناها فقرة رمي الدعاة في البحر. نشيل كل دعاية كده يعني يعني اللهم لك الحمد يعني انا ما اترمتش في البحر بفضل الله بفضل الله سبحانه وتعالى هيبقى فيه فقرات ترفيهية ورياضية جميلة. يعني عملنا فريق في المعسكر اللي فات ده كان فريق الدعاة وفريق الاخوة - [01:01:59](#)

كان النهائي بتاع الكورة ، طبعا الاخوة كسبونا. طبعا يعني ما فيش فصال. بس احنا اللي خدنا الكاس واحنا اللي عملنا الحفلة واحنا والكاس لسة عندي في البيت لحد دلوقتي حطه في المطبخ يعني ايه - [01:02:19](#)
الحمد لله. الحمد لله والشكر لله. يعني كان يوم جميل جدا. فهيبقى يوم الاربع اه اه يعني عاملين اشتراك رمز عشرين جنيه. الاشتراك على باب باب المسجد على باب المسجد اخوانكم هيبقوا واقفين. طبعا ده للاخوة بس. الاخوات بقى يحسبنوا فينا زي ما هم عايزين. لسه مش هينفع دلوقتي نعمل ايه؟ يعني نشوف داعيات يعملوا لهم حاجة زي - [01:02:29](#)
الاشتراك على باب المسجد او الاتصال على الرقم اللي قلته لكم المرة اللي فاتت وقلت لكم الرقم ده احتفzوا به. لانه هيبقى رقم كل المعسكرات اللي هنعملها ان شاء الله. ايامنا الحلوة - [01:02:49](#)

واتنين العمرة التبروية اي حاجة هنعملها هيبقى ده الرقم بتاعه. ها صفر مية تسعة ثلاثة سبعة صفر سبعة ثلاثة ثلاثة صفر مية تسعة ثلاثة سبعة صفر سبعة ثلاثة ثلاثة. يبقى ده رقم اخواني في الله ده هيبقى رقم المعسكرات والرحلات وكل الشغل ده بازن الله. يعني معسكر الاخوي معسكر حب في حب بازن الله هيبقى الرابع الجاي - [01:02:59](#)
اللي عايز بقى دروس المسجد او اي حاجة بقى فعاليات المعسكرات التبروية او يعرف بقى يجي العمرة التبروية اللي هتبقى ان شاء الله فور الاجازة قبل رمضان امتي يدخل على صفحة الفيسبوك او على موقع الطريق الى الله او صفحة الفيسبوك بتاعتنا. الله يغفر له بقى اخونا سماها آآ دكتور حازم شوبان بالانجليزي. يعني - [01:03:32](#)

يعني اسم صعب يعني دي ار حازم شومان. بالانجليزي بقى اللي بيعرف يكتب يكتبها. او على موقع الطريق الى الله. بازن الله سبحانه وتعالى. اه اه يعني اخوانا الضباط الملتحين اللي يوم الحد هنا في قاعة فيرجينيا عند نادي العمال. آآ عاملين آآ مؤتمر يعني طبعا اللي عايز يدعمهم يا اخواني يروح لهم للاسف - [01:03:52](#)
غالبا هنبقى في القاهرة في هذا اليوم اه في اه يعني ندوات جماعية بازن الله سبحانه وتعالى. اه اتمنى ان انا كنت ابقى في المنصورة

عشان ابقى معهم. ولكن اه يعني غصب - [01:04:12](#)

بقى آآ فاللي عايز يدعم اخوانه من الضباط الملتحين يروح بازن الله في ذلك اليوم في قاعة فرجينيا. اللهم تب علينا لتتوب. اللهم تب علينا يا رب العالمين اللهم اهد قلوبنا. اللهم اصلح احوالنا. اللهم ايقظ بصائرنا. اللهم ان الفتن الدنيا قد عمت. قد عمت الشباب

والفتيات - [01:04:22](#)

الرجال والنساء. اللهم ايقظ قلوب المسلمين. اللهم نجنا من الفتن ما ظهر منها وما بطن. يا رب ان اهل الباطل قد اوقدوا الفتن من اجل

ان يفتنون عن ديننا. اللهم اغثنا يا رب. اللهم ايقظ قلوب الشباب يا رب. اللهم اغثنا - [01:04:42](#)

الشباب يا رب. اللهم انهم قد اوقدوا عليهم المواقع الفاسدة. والقنوات الفاجرة والمشاهد الفاجرة. الله فيا ربنا الا تصرف عنا كيدهم.

نصب اليهم ونكن من الجاهلين. اللهم الا تصرف عن الشباب كيدهم - [01:05:02](#)

اليهم ويكونون من الجاهلين. اللهم اغثنا يا رب يا غياث من لا غياث له. يا زخر من لا زخر يا سند من لا سند له. يا عماد من لا عماد له.

اللهم اغثنا من الفتن يا رب. يا رب لا - [01:05:22](#)

عذبنا بمعاصينا. يا رب لا تخسف بنا بمعاصينا. يا رب لا تخسف بنا بحبنا للدنيا. يا رب طهر قلوبنا يا رب رحمتك اوسع لنا يا رب. اللهم

ارحمنا. اللهم ارحم الملتزمين والملتزمات. وارحم الشباب والفتيات. وارحم - [01:05:42](#)

الرجال والنساء والاطفال. اللهم انزل على اهل مصر رحمة من عندك. تهدي بها قلوبهم وتصلح بها احوالهم منهم بها في بلادهم. يا رب

فرج كربنا في الدين والدنيا يا رب. يا رب فرج كرب اخواننا في سوريا. يا رب فرج كرب - [01:06:02](#)

في فلسطين. يا رب اغثنا. يا رب مددك يا رب. يا رب فتحك يا رب. اللهم قوي في رضاك عزمنا. اللهم فاقمنا على مرادك منا اللهم قوي

في رضاك ضعفنا. لا نهلك وانت رجاؤنا. لا نضيع وانت مولانا. لا نضل وانت هادينا. لا نضل وانت هادين - [01:06:22](#)

لا نضل وانت هادينا. يا رب العالمين يا ارحم الراحمين تب علينا اجمعين. تب علينا اجمعين واهد الشباب وات بهم

الى طاعتك يا رب العالمين. انك القادر انك مولانا نعم المولى ونعم النصير - [01:06:44](#)

سبحانك اللهم وبحمدك اشهد ان لا اله الا انت استغفرك واتوب اليك - [01:07:04](#)